

金石續編

掃葉山房發行

金瓶梅
卷之八

金石錄編卷第十五

武進陸燿燾纂

太倉陸增祥校訂

宋三

惠州野吏亭詩刻

高六尺二寸廣三尺八寸二十行行二十七字正書篆額題惠州野吏亭詩六字在廣東惠州府

惠州野吏亭詩并序

尚書屯田郎中知軍州事黃仲通述

故相國潁川公咸平二年以太常丞典惠陽郡酷愛其四顧谿山景物尤勝創亭于城之上目曰野吏作五言十韻律詩一章天聖十載以給事中入叅大政復作五言小詩二章寄題是亭未幾龍加

聖注位正合席時或接賓翹館論及奇勝必以惠州野吏亭為稱足見相國眷眷介懷於茲矣與夫管賢刺宣城郡架層構於百雉觀疊嶂於四垂其尚奇之心一也皇祐五年仲通假守茲郡治亭舊基以前之章第刊于石庶乎來者知亭之興自陳相國始

野吏亭新成作五言十韻律詩一章

太常丞知軍州事陳堯佐

野吏厭公堂開軒出郡牆殘花炎帝國斜日尉他鄉疊巘分諸粵重江截大荒耕桑繼聚落煙火漢封疆雲勢飄蓬島天形壓夜郎扁舟閑得侶嘉樹遠成行海雨千林暮春風百草香人家浮浩淼鳥道沒蒼蒼瑛璫吟魂

健虛明夏景涼他年重迴首年落愧甘棠

寄題惠州野吏亭五言小詩二章

金紫光祿大夫行給事中叅知政事柱國陳堯佐

羅浮山下郡樓閣枕滄溟誰得閑中意清風野吏亭山好曾留句城高復創亭登臨千萬景誰與畫為屏

仲通載葺是亭脩紀遺烈因成蕪綴附于末焉

危亭治舊基登覽一何奇萬態羅浮景三章宰輔詩嵐

光如畫處霽色乍開時味此休閑趣惟予野吏知

至和元年十月三日立

進士黃岳書

詩刻在惠州府城北堞上序云故相國潁川公咸平

二年以太常丞典惠陽郡而宋史王偁東都事略柯

維騏宋史新編皆不載攷廣輿記稱其以潮倅權惠

州豈諸史因其權守故略之耶惠州本名潁州九域

志云因仁宗廟諱天禧五年改名惠州潁州九域四年誤不見

惠陽郡之名宋史志寬字記同惟藝文志蓋文人之

詞非典也野吏亭詩見宋詩紀事炎帝國作交帝圃

重江作重城又寄題野吏亭五言小詩二章紀事亦

未載蓋第據圖經所錄而未見石刻也惟石刻云天

聖十載以給事中入叅大政考宋史東都事略宋史

新編六一集文惠神道碑皆作七年此云十年蓋據

勒誤爾黃仲通韶州人見武溪集所作墓志此刻題

銜知軍州事而序又云假守者四朝聞見錄云太祖

罷節度立權發遣與權知之類故士大夫作郡皆自稱假守謂非真節度也廣東通志

晉祠銘碑陰碑側題名十二段

碑高廣見華編碑陰題名八段碑側厚八寸題名四段金四集字大小不等起至和龍政和在山西太原

邢佐臣等題名訪碑錄第二載三行行六字正書左行

大宋至和二年四月十日邢佐臣余藻同來

盧大雅等題名

九行行七字正書在碑陰

顯聖戊申歲秋九月十四日范陽盧大雅君美臨川王

安禮和甫清源王本安國同謁 晉祠舍均福堂明日

如白雲石裏宿明仙又明日遊甘泉開化而歸本題

王安脩等題名

四行行七字正書在碑陰訪碑錄未載

太原王安脩世長廣平程易先之安陽蔣敗渭公熙寧

癸丑孟夏同遊

龐京孫等題名

二行行八字正書在碑陰訪碑錄未載

龐京孫同弟公孫男山來元豐三年八月

邢平等錢送題記

四行行十七字正書在碑陰

大帥王公得請還青社府通判邢平權赫陽曲縣令崔

衮規臣從事盧訥仁老葛震伯起袁百之必強主簿江

萬錢送元豐七年正月八日記

呂升卿還朝題記

碑側第三載六行行十五字不等行書左行

元豐七年正月予伯兄吉甫帥太原五月升卿被旨來面授所議事入奏六月十七日還朝過晉祠煙灘

洵及余中李士亨高陟明餞送至此男洞待行溫陵呂升卿明甫題甥余徹□□

曾布等禱雨題記十二行行八字行書在碑陰訪碑錄未載

龍圖閣學士河東經略安撫使曾布提點刑獄朝奉大

夫范子諒躬率寮吏禱雨 祠下通判太原軍府事田

盛高復簽書河東即度判官盧訥知陽曲縣馮忱之走

馬承受王演檢法官史辯從行元祐丙寅歲七月十三

日訥謹題 刊者任覲

邵壩題名十字行首行八字次行

丹揚邵壩伯友恭謁 靈祠元祐己巳仲春二日

曾布告違題記碑側上載五行十四字正書

魯郡侯曾布以元祐丙寅歲閏二月庚戌出帥河東四

月丙辰至太原視事己巳四月丙午易守真定五月辛

卯率僚吏告違于 晉祠之神丙申受代而東子壻興

國吳則禮書

王脩脩廟題記碑側下載六行行十一字正書訪碑錄未載

紹聖二年四月二十一日 大帥左轄王公命王脩永之再新廟宇是年十月初二

日圓口公度王□元規來按視呂珣溫甫蕭經臣伯隣

偕行王良弓錢之替役同至

陳知存再謁題記五行行七字正書在碑陰

紹聖乙亥嘗恭謁晉祠政和乙未再到六月十二日本

路轉運使陳知存謹題姪銑從行

苗仲淵題名三行九字十

開封苗仲淵師顏自湖南提刑移本路政和五年十月晦祇祠下男王侍

按唐太宗晉祠銘碑陰碑側宋至和至政和間題名十二段凡四十餘人王安禮曾布盧訥並再見後稱大帥王公者即安禮史言安禮知太原府事故稱大帥青社指東都也安禮安石之弟安國之兄曾布曾鞏之弟曾鞏之兄呂升卿則惠卿之弟其云伯兄吉甫帥太原即惠卿也事蹟並見宋史曾布子瑁吳則禮字子副富川人以父中復蔭入仕官至直秘閣知虢州著有北湖集見陳振孫書錄解題亦聞人也余藻字質夫鴈門人熙寧初廣南西路提點刑獄見臨桂隱山洞龍隱巖諸題名案筠清館所載尚有皇祐年口禹口熙寧戊申

王安禮王成歲馬仲良等題名三刻陸增祥志

靈巖寺題刻五段起至和訖紹定在陝西路陽

劉異等題記 至和三年三月劉拱正書

劉忱等題名 元豐元年七月正書

王守中等題記 嘉定乙亥八月

郭公褒等題名 寶慶丁亥六月

重刻邯鄲領記後 紹定三年五月田克仁記

藥水巖刻石三段在陝西路陽

劉異詩刻

秘書丞監濟眾監權武興郡事劉異上

藥水標題不記年奇花深洞舊通仙者舊相傳山上有乳人此洞中約行半日忽見天色明徹奇花異木非凡所有為白鹿所觸驚迷而迴後與人再遊已有大石塞其門矣其山迴巨陰常遮日境絕纖埃別是天碧照東西江浩渺綠迷高下竹嫋娟憑欄周覽翛然靜金像香殘一炷煙

至和三年閏三月望日

尚書虞部員外郎知軍事劉拱上石

寺在縣南七里嘉陵江之藥水巖方輿勝覽稱去沔州城七里南有二石洞洞有泉能療疾者此也今洞

又在藥水巖之上五里云洞口石尚存關中金

口欽題刻 紹興廿九年二月口欽題口楊年正書

趙彥叟詩刻 嘉定癸未五月男洗夫書

此二刻未載全文即附於此陸增祥志

封濟民侯牒

高七尺八寸廣三尺九寸二十三行前奏每行四十九字後勅每行三十九字正書篆額封濟民侯之勅六字在陝西路陽縣清涼鎮廟內

中書門下 牒鳳翔府

工部郎中直龍圖閣知鳳翔府李昭遘奏臣聞祭法曰山林川谷能出雲雨見怪物皆曰神有天下者祭

百神諸侯在其地則祭之亡其地則不祭又漢郊祀志秋淵陳祠天下山川隈曲往往有之臣本府管縣有九郡縣即其一也縣有太白山山在縣南四十里謹按圖經所載辛氏三秦記云太白山在武功縣南去長安三百里不知高幾許俗云武功太白去天三百山下軍行不鳴鼓角鳴則疾風暴雨立至周地圖記云太白山上常積雪無草木半山有橫雲如瀑布則澍雨常以爲候故語云南山瀑布非朝即暮乃知茲山候雨自古而然神靈尸之宜有禱應也山有祠廟不知建置之始唐世祀之正中詔京兆尹韓皋重修據柳宗元集中有碑具載靈應今錄柳碑於前後唐齊泰中復加繕葺國朝祥符三季專遣使修完春秋邑令致祭列在祀典山鎮有秋每遇歲旱府果及他境必取水禱雨無不即驗朝廷近季累遣內臣投奠龍簡臣到任以來詢訪前後之異其事既出傳聞不敢爲錄今止具今季春夏已來兩次得雨親驗事實所陳一事非臣獨視道路之人不可誣也伏見朝廷恤民之意甚厚崇祀之志甚恭前件太白山本前世欽奉之地靈昭昭晰今古所信靈湫在上願應如此其太白湫水欲望聖慈特加封爵臣無聞慶願七季五月河南府王屋縣析城山聖水泉特封爲淵德侯其例未遠可舉而行或蒙報實慰羣願伏候

勅旨

牒奉

勅禮云五嶽視三公四瀆視諸侯非有豐功曷膺上爵太白山湫名山之下神龍所潛每遇旱暘必伸禱請能爲霖雨以澤民田守臣有言蒙福甚遠宜降十行之詔用疏五等之封以答神休以從人欲宜特封濟民侯仍令本府老官祭告牒至准

勅故牒

至和二季七月十三日牒

給事中叅知政事程

戶部侍郎平章事富

兵部侍郎平章事劉

吏部尚書平章事文

嘉祐二季三月一日將仕郎守鳳翔府郿縣令

賈蕃立石

張遵鐫字

按此封太白湫神爲濟民侯昭邁舉慶元七年聖水泉封潤德侯爲例然真宗時已封通泉廟爲靈派侯昭邁祗就仁宗時言之爾皇祐元年五月遣官祈雨三年三月分遣朝臣詣天下名山大川祠廟祈雨至和二季四月遣官禱雨故云朝廷近年累遣內臣投奠龍簡碑列給事中叅知政事程者程載也戶部侍郎平章事富者富弼也兵部侍郎

平章事劉者劉沆也吏部尚書平章事文者文彦博也是年六月陳執中罷彥博再相弼亦同入此為七月十三日牒正與史合通典天寶八載封太白山為神應公故嘉祐六年早簽書鳳翔府判官蘇軾禱神得雨軾代守臣宗選請于朝有云昔公而今侯是為自我而左降乃勅封明應公熙寧八年封福應王奏稱唐世正元中即貞元也楨為上名故兼避貞此牒嘉慶中吾友劉雨田用張宰郡拓贈

白雲巖陳偁等題名

高四尺廣二尺六寸大行行七字字徑三四寸正書在廣東惠州府龍川縣
嘉祐二年丁酉七月乙酉郡太守陳偁同田曹外郎黃汝礪游白雲崑杜簡陳琪陳偕王宜與焉曾伸書

曾應璣開石

按曾伸書陳偁等題名新修廣東通志未見石刻就翁氏金石畧錄之職官表陳偁字君舉沙縣人治平間知惠州軍州事據此題名則陳偁當仁宗嘉祐二年知循州海豐郡龍川即其地也

彥脩書刻題後

肚痛帖

寄邊衣詩

入洛詩俱不錄

乾化中曾修善草書筆力遒勁得張旭法惜哉名不振於時遂令換刻以貽同好嘉祐戊戌歲冬十月九日

司農少卿知解梁郡李丕緒題

寄邊衣詩重重白練明如雪句明如雪全唐詩作如霜雪

李師中宋頌

高一大廣六尺十七行行十九字字徑二寸五分第二行二十三字末行二十八字字徑二寸五分許領題末領二大字字徑八正書在廣西臨桂縣福隱岩迴穴

宋頌

廣西臨桂縣福隱岩迴穴李師中撰

神武頌

太祖也以天下授

太宗永有休

功其古之聰明睿智神武而不殺者夫

遠定四方其功冠萬世獨出聖臣不究其極未足以昭盛德大業故作頌焉

於赫神武不顯其功天命在躬圖惟厥終不卜不

謀付命太宗惟帝之心天地之公

文明頌太宗也煥乎其有典常始作樂告其成

功焉本朝承五代之敝禮古典常之事至是備焉故頌以美之

於昭文明繼序其皇既其典常底定四方清廟用章

德音不忌

仁功頌真宗也能申上帝之祐以和戎狄以

安萬民

此者期用德化致百餘年大定自成康已來未有如物其終乎王迨其成乎

於穆仁功已任天覆萬民靡不壽懷爾戎狄以及烏

獸于嗟仁功草木漬茂如文王之囿

嘉寧有目勒子桂之龍隱巖 前廬州合浦警廉信書

按宋史李師中傳師中字誠之楚國人提點廣西

刑獄攝帥事邊人化其德多畫像立祠以祀稱桂

州李大夫不敢名諡以留題風洞詩序云師中嘉

祐三年九月受命來嶺外七年十一月得請知濟

州留詩以志歲月則知師中在桂五年是刻宋頌

即去桂之年所撰道光四年春果亭撫部 成格自

桂林還 朝携贈拓本

重刻醉翁亭記 篆書在 記文不錄

滁州琅琊山醉翁亭記 記文不錄

大宋嘉祐七年冬十月庚寅蘇唐卿上石於費之縣齋

鑄者口口

蘇唐卿歐公故人也知費時公已去滁而位相以書

請公所作醉翁亭記而篆之立石於費宋嘉祐七年

也予以宏治十年春來篆刻上覆微露其未昏之磨

洗乃知顧謂僚吏者歐名相也蘇名宰也佳章善篆

沉二百年而金元人未知是可慨也已遂命眾扛豎

縣儀門之下庶風雨日之不利落云伊洛楊惠識

唐御官寺丞所篆醉翁亭記後附刻唱和詩此本無

之當在碑陰為拓者所遺今補錄於後

唐御既篆歐公侍郎滁州琅琊山醉翁亭記上石訖

思莫能致之滁上因斧官之隙地眾材堪梁棟者支

其橫桷構堂于廨舍西偏高三尺植記於中楹焉圖

悠久也因成長句五十六字兼寄獻歐公侍郎 醉

翁亭記醉翁堂遂取琅琊即費鄉高世雄文刻翠琬

老山孤幹負虹梁左鄰鰲海三神島西倚儒宮數仞

牆雖愧篆工非墨寶英辭終與借輝光 鄉貢進士

龔敦和除守南遷記醉狂篆刊移近舞雩鄉當手寓

與臨山水今日希風構棟梁吏部喪文辭避席陽冰

閣筆讓循牆東沂從此遺聲迹迴掩桐廬翰墨光 公

命文字桐廬作嚴先生祠堂記 鄉貢進士卻忱和

歐公頃歲守滁陽題記蒼顏入醉鄉賢宰特將刊古

篆舊碑不免棄山梁 知明所作軒楹別構如安研筆

札難通似面牆異日智仙來輩去退蒙從此謝聲光

如明字 武昌史辭和昔日歐公鎮永陽構亭直在

水雲鄉醉翁嘯傲曾為記賢宰風流到架堂老筆健

道刊琬璧晴嵐灑滴照門牆更吟新咏深堂秘相伴

崑山片玉光 登州防禦判官張頌和重惜歐公滁

記好模刊翠琬費堂新文華起焰衝星斗篆法通靈

動鬼神觀妙每多師道客仰高常有慕賢人森然輝

目如辰象不朽宜為萬世珍筠清館金石記

筠清館載有滁州一本及新鄭縣明刻之本附錄於後陸增祥志

醉翁亭記

環滁皆山也至醉翁亭也第一傳提攜姓

來而不絕者至蒼顏白髮頽然乎第四封劉君季孫自

高郵來過滁守河南王君詒請以滁人之意求書於軾

軾於先生為門下士不可以辭十一月乙巳第七

此碑乃大興翁覃溪先生所貽以行格計之凡七石

拓本存第一第四第七三紙餘石之存不可知字

體之大小榦架與前錄歐陽公自書殘本如出一手

蓋坡公書歐文即用歐法作字也又明人刻有草書

此記其題款亦與此同蓋膺本也附錄於後以俟知

者審之

歐陽永叔醉翁亭記環滁皆山也至太守謂誰廬陵

歐陽公也廬陵先生以慶園八年三月己未刻石亭

上字畫漏淺恐不能傳遠滁人欲改刻大字久矣元祐

六年軾為頴州而開封劉君季孫請以滁人之意求書

於軾軾於先生為門下士不可以辭十一月乙未眉山

蘇軾書此本在河南新鄭縣

此石後有趙文敏宋昌裔吳文定沈石田文三橋高

文襄鄔陵劉景及其裔漢藝祐等九跋皆以為坡公

真蹟初為趙子固高仁卿馮伯田諸家所藏至隆慶

五年高文襄始屬三橋摹勒而命吳應祈刻之於石

然坡公既以正書大字應劉君之請矣何以又為草

本亦同此月日而絕不言其正草並書之故且自跋

謂廬陵原書漏淺恐不能傳遠滁人欲改刻大字久

矣此書不大又何以稱滁人之意其草法之與公書

不類更不必置辨也特存其全跋足以補前本之闕

文云

李師中龍隱巖詩

嘉祐七年十一月在廣西臨桂

李奎太史公廟詩

高二尺一寸廣三尺四寸十四行行十字正書在陝西韓城縣

司馬太史廟詩二首

太常博士知同州韓城縣事李奎上

生在龍門境葬臨韓奔坡荒祠隣后土孤塚墜黃河澗

水愁聲遠梁山慘色多一言遭顯將奈漢君何

又七言

著書雖已先三史論道如何後六經因雪李陵為國士

豈期武帝有官刑叢生荆棘迷墳塚舊畫龍蛇照廟庭

為覽遺文來一莫不知何在子長靈

治平元年閏五月二日記

按李奎司馬太史廟詩治平元年知韓城縣事時

刻石詩有龍門韓奔坡瀑水梁山諸地元豐九域

志同州馮翊郡定國軍節度治馮翊縣領縣六韓
 城州東北二百里有大梁山岨水攷古雍州之域
 有二梁山書治梁及岐詩奔奔梁山春秋梁山崩
 爾雅梁山晉望皆指韓城之梁山即古呂梁龍門
 之南山也曰大梁山者以別乾州之梁山孟子稱
 太王去邠所踰之梁山耳瀟水在韓城南東南入
 河當即岨水司馬遷云在韓城南二十里芝川鎮

也

伏波嚴宋人題名十八段

起治平說景定
 在廣西臨桂縣

余藻題名

高三尺五寸廣四尺八寸六行行字
 不等年月二行行七字行書左行

知桂州兼經略安撫陸詵

提點刑獄公事余藻
 轉

運判官孔延之

兵馬鈐轄白均
 徐印 新知鬱林

州姚原道

經略司勾當公事劉恕

治平二年立夏後二日會於此藻題

按宋史陸銑傳銑字介夫餘杭人治平初知桂州

又文苑傳劉恕字道源治平三年司馬光修資治

通鑑薦恕為局僚時恕為和川令無官廣西事此

劉恕蓋別一人非道源也余藻字質夫廬門人孔

延之字長源魯國人姚原道字彥聖吳興人見治

平元年龍隱隱山諸題名曾南豐集司封郎中孔

君墓誌君諱延之字長源新淦人孔子四十七世

孫東坡孔長源挽詞君勝宜為夫子後林宗不愧
 蔡邕碑是也長源居新淦而稱魯國從孔氏舊望
 也白均徐印未詳

達夫等題名

高一尺二寸廣一尺八寸六
 行行四字正書徑二十五分

南陽達夫會稽蔚宗清江志康熙熙壬子八月朔日同

遊東巖

按神宗熙寧五年歲在壬子闕杞字蔚宗傳變字

志康時皆提舉常平達夫無考

潘景純米穀題名

高三尺二寸廣一尺五寸題名二
 行三月二行行書徑五寸

潘景純 熙七年五月晦同遊

按宋史米芾傳芾以宣仁后潘邸舊恩補冷光尉

方信孺畫象記言在桂得元章所作僧紹言詩序

乃知嘗尉臨桂是刻蓋尉臨桂時所題

曾布等題名

高一尺三寸廣三寸八分
 六行行六字正書徑一寸八分

起居舍人龍圖閣待制知桂州曾布子宣轉運使尚書

度支郎中直集賢院陳倩君美副使殿中丞苗時中子

居提點刑獄太常博士劉宗傑唐輔提舉常平秘書丞

齊諶子期管勾常平前江山縣丞劉誼宣父元豐二年

六月初三日自風洞遊伏波巖

按廣西金石略南豐曾布浦城陳倩或稱建安甬上苗

時中或稱洛陽劉宗傑或稱永安歷陽齊諶吳興劉誼

或稱冷水巖龍隱巖疊采山題名不一宋史參臣

傳布學于兄輩同登第元豐初以龍圖閣待制知

桂州苗時中傳其先自壺關徙宿州交人犯邊擢

廣西轉運副使粵西文載劉誼元豐初提舉廣西

常平乞裁損役錢又請罷買沈香減鹽價四十餘

事上稱其論事有堅執之風王安石銳意新法極

諫不便黜歸宋詩紀事劉誼上疏論新法勒停隱

茅山誼以論新法去官曾布以贊行新法起官志

行不合而誼與布蹤跡親密且作曾公巖記以美

之豈和而不同之義耶

陳倩等題名石高三尺二寸廣二尺五寸
五行行六字正書經三寸

建安陳倩彭次雲歷陽齊誌吳興劉誼元豐三年十二

月廿四日同遊伏波巖

後二日大梁和武獨遊此行正書
經二寸二分王軾偏左字
經六分

按宋詩紀事彭次雲吉水人元豐中桂林郡僚以

雉山題名證之時以奉議郎提點刑獄也和武字

勝之濮州鄆城人狄青南征為前鋒擢文思副使

權廣西鈐轄累遷皇城使昭州刺史以榮州團練

使知宜州遷西上閤門使知邕州見宋史本傳廣

西金石畧彭次雲上增吉水二字王軾下有題字

並與原刻不符王軾二小字與前交不屬金石畧
總題此段為王軾題名亦未審也

譚按文初題名經二尺三寸許左行
五字正書經二寸許左行曲江譚按弟拱井湟川蕭汝明同遊紹聖丁丑孟秋二

日文科題

按哲宗紹聖四年丁丑譚按字文初湟川字甚顯

廣西金石畧誤作湟川

劉鑑等題名石高三尺二寸廣二尺八寸十行
六七字不等行書經三寸許左行

萃編錄此作伏波巖還珠洞題名茲不復錄

按已亥為宣和元年宣和六年蔡懌為經畧安撫

建炎二年侯晉卿為廉訪並見題名

毛子嘉周彥作題名經二尺六寸前七行行九
十字不等經三寸後二行經寸

桂林富有崑穴而盛暑易於來遊者唯東崑冠之宣和

庚子六月二日三衢毛子嘉率天台周文庸睢陽張大

原四明林芑民已陵黃師心三衢徐伯材會飲於此

翌日天台周彥作復携酒與昨日諸公偕來獨文庸伯

材不至而宜陽吳廷貺與

庚子宣和二年

蔡懌等題名高二尺五寸廣二尺三寸八行
行十字字經二寸三分正書

經畧安撫蔡懌同提點刑獄尚用之轉運判官黃鐸轉

運判官曹邁提舉常平王舜舉廉訪使者練山甫早飯

靈隱過曾公崑樓霞風峒程公崑烹茶晚會於八桂伏

波崑抵暮而歸時宣和乙巳季春初十日題

按尚用之字仲明江都人宣和間任提刑後寓桂
水東石佛真教二寺南來士夫樂與之遊喜獎勸

後進卒葬與安子孫占籍于桂見文練山甫建安人

呂成之題名高一尺八寸廣五尺八寸十二行

晉江呂成之詣樞府稟議紫洲李域建安呂著長沙

李服休都嶠陳覽湘潭吳荷飲錢於伏波巖靖康初元

季夏四日

鄭子禮題名高一尺廣七寸四行行

拱輔鄭子禮挈家來遊隆興甲申中秋日

按隆興甲申孝宗嗣位二年也乙酉改元乾道

林得之題名高一尺三寸廣一丈十六行

林得之置酒喜豐堂劉子思滕子昭蔡濟忠林德光張

安國同集乾道元年臘日

劉舜舉題名高二尺二寸廣一尺三行行

劉舜舉張子咨子直子安胡宗周同來庚寅三月中泮

按庚寅為孝宗乾道六年子直子安胡宗周字刻

完好廣西金石略誤作子直子斐胡宗回豈揭本

未顯耶

方信孺等題名正書一行字徑寸

方信孺楊志李閔祖嘉定六閏十七同遊

按嘉定六閏嘉定六年閏九月也

徐敏子題名高二尺四寸廣二尺八寸七行

黃岡徐敏子衡命措度南州館穀巖側客四明戴安

長沙韓夢發寶後周萬星潛馮弼外孫上饒九日新待
時園祐丙午中春下泮

按宋史理宗紀園祐四年監察御史胡清獻劾淮

西提刑徐敏子三罪詔削兩秩送江州居住五年

三月詔嚴賊吏法仍命有司舉行彭大雅程以升

吳淇徐敏子納賄三罪當即此人蓋旋罪旋釋也

淳祐六年丙午

劉受祖惠祖題名高二尺廣一尺二寸四行

淳祐丙午立冬後七日廬陵劉受祖之橫槎惠祖之蒼

梧櫟舟伏波巖下

胡德新題高五尺廣二尺五寸六行

長沙胡德新盤叔汎灘歸湘猶子克紹同資中郭又新

居安及鄉人周德明清叔梁口賢口佐鍾哲子峻鄭益

謙遜伯飲錢癸水亭表回巖下吟譚竟日孰別煙雨中

寶祐乙卯元宵後一日

寶祐三年乙卯

李曾伯題名續橫各三尺五寸十一行

軍懷李曾伯長孺以園祐已酉來牧是邦越十年再開

制閭屢至此洞每輒煮泉淪茗表衷寬日今人起清斯

濯纓之想不知身在飛鳶跼跼墮水處也蓋參山帶水

勝絕天下而此洞又居參帶之勝舊有焚水一亭因城

築今更為之男杓杞子孫國華侍景定庚申首夏二日

謹識

按宋史李曾伯傳曾伯前以圖祐九年知靜江府廣西經略安撫使兼轉運使後為湖南安撫大使兼知潭州兼節度廣南移治靜江開慶元年進觀文殿學士以諫議大夫沈炎等論罷又理宗本紀景定元年五月李曾伯落職解官考曾伯開慶紀功堅崖碑及修桂州城圖記知曾伯再開制闔在寶祐六年戊午景定元年庚申首夏其時尚未解職也曾伯河內人故稱單懷 伏波巖南北宋題名不可勝記今就所得拓本錄之悉附于治平之後其詩刻仍按時代分編

九曜石宋人題刻廿二段

起治平訖咸國石高廣不等八石在廣東普寧署藥洲池一中一石在布政司署後園

盧士宏等題名正書五行行五字在藥洲池東石上

士宏子高昌衡平甫元規正叔安道子適丙午仲春十五日題

丙午為治平二年也按宋史盧士宏字子高新鄭人廣東通志治平元年知廣州軍州事其年歲在甲辰三年為丙午時猶近也昌衡有一通志賈昌衡治平三年任轉運使路昌衡元祐六年知廣州軍州事賈與士宏同時路後二十餘年翁覃溪學士方綱九曜石攷云予跋九曜石歌以為路昌衡

誤也職官表有陳安道嘉祐八年轉運判官熙寧二年轉運使皆與治平丙午不遠未知即此子適否元規未詳此刻通志未見

金君卿等題名正書四行行十三字藥洲池西北大石之中

轉運使度支郎中金君卿正叔轉運判官太子中舍許彥先覺之管勾文字殿中丞金材拙翁門人成度公適熙寧癸丑中伏泛舟避暑

按江西通志金君卿浮梁人登慶鳳進士累官知臨川權江西提刑入為度支郎中廣東通志熙寧五年轉運判官六年轉運使洪邁夷堅志載君卿讀書浮梁山策高科歷郡守部使者積伐至度支郎中略如通志曾鞏元豐類奏有衛尉寺丞致仕金君墓志銘乃為君卿父溫叟而作稱溫叟四子君著君佐君卿君佑皆舉進士君卿以皇祐二年官秘書丞五年官太常博士得以褒崇其親又稱君卿以材自起於貧賤欲以其所為為天下慨然有志宋史藝文志載金君卿集十卷集中有與文彥博韓琦范仲淹歐陽修曾鞏張子韶和視所與遊其人亦可概見許彥先始與入天聖三年進士廣東通志攷彥先熙寧十年陽春通真巖英德碧落洞兩詩刻結銜俱轉運副使通真巖詩有七年馳使路之句題詩碧落洞乃當被召北歸時則彥先以

金石續編 卷十五

熙寧五年至廣南凡七年而去

米黻題詩行書詩三行行七字暑款年

碧海出屋閣青空起夏雲現奇口在石錯落動乾文

米黻 熙寧六年七月

按未南宮詩刻於僊掌石見陳少錫嘉熙已亥題

記石仆池中且為榕根盤結久久湮埋故翁氏粵

東金石畧及阮氏廣東志皆未著錄此本乃翁中

允心存拓贈宋史本傳帝以宣仁后藩邸舊恩補

浚光尉熙寧六七年正其時也八年以後蹤跡不

在嶺南矣

米黻題字正書左行七字分三

藥洲二行一折許米黻元章題橫約二寸餘

按藥洲題字因與熙寧六年仙掌詩刻同時故不

別著年月翁氏米海嶽年譜定為元祐元年誤以

左方時仲等丙寅題名為一時未見仙掌詩刻也

考熙寧八年十月浯溪詩刻云米黻南宮五年求

便養得長沙掾經浯溪是南宮五年以熙寧八年

為斷阮志據蕭間堂記方信孺米公書象記溫草

米帖跋殷令名帖跋園化帖跋謂元章熙寧八年

以後元祐三年以前在長沙江淮間安有元祐元

年復遊廣南題藥洲之理以次熙寧六年仙掌詩

程師孟等題名正書八行行三字在池

程師孟金君卿李字儀許彥先同遊藥洲熙寧甲寅上

元日題

按師孟字公闢吳人治行最東南在廣六年見宋

史猶更傳宗儀南康人見樂昌泐溪石室題名熙

寧七年師孟知廣州軍州事充廣南東路兵馬都

鈐轄兼本路經畧安撫使護軍宗儀提點廣南東

路刑獄並見勅祠南海神碑記君卿彥先已見

程師孟等題名正書二行行六字

程師孟金君卿李字儀許彥先

按是刻通志未見不著年月附熙寧甲寅上元同

遊題名之後

許彥先詩刻正書詩四行行七字後款一行十字下

花藥氣氤海上洲水中雲影帶沙流直應路與銀潢接

槎客時來犯斗牛 熙寧甲寅上已

彥先再遊移磁稔積稔侍

按南海百詠古蹟記名勝志皆稱劉氏集方士鍊

藥於此故以名洲今以許詩證之乃知洲以花藥

得名也

曾布等題名行書五行前四行十四字末

廣東經略安撫使起居舍人龍圖閣待制曾布子宜

轉運副使都官外郎向宗旦公美轉運副使屯田外郎
豐元年正月晦日遊

曾子宣為子固之弟風流儒雅輝映一時不幸附和
紹述致宰相史家遂入姦臣之列然雖不為公論所
與而能與章惇蔡京立異亦張天覺之流也天覺既
可列傳子宣獨不可列傳乎若史彌遠姦邪甚於侂
冑而轉不在姦臣之數史家於此未免上下其手讀
史論世者所以不可無識也宋史曾布傳元豐初以
龍圖閣待制知桂州據此則知廣州日已遷待制矣
題稱廣東經略安撫使而不稱知廣州者以使職為
重起居舍人其寄祿官也轉運副使二員其寄祿官
一為都官外郎一為屯田外郎稱外郎而去貲字他
刻所罕見

潛研堂金石文跋尾

考李心傳繫年要錄紹興八年六月布曾孫右奉
議郎愐進布著三朝正論真蹟御史中丞常同言
臣聞神宗皇帝切於求治王安石創為新法於時
布為腹心其政出於布之謀其法成於布之手故
自海州懷仁縣令一年半間十三遷而知制誥安
石嘗語人曰終始言新法不便者司馬光也終始
言便者曾布也故熙寧之初建新法者王安石始
之曾布成之逮紹聖初布與章惇蔡下同秉大政

元祐之法度委若弁髦元祐之人才棄如斷梗布
內愧於私心外迫於清議乃間出一善言引一善
士以求自異於眾故正論之作也雖論元祐人章
疏不當編排而一時忠良竄斥無餘未嘗少假雖
論瑤華不當加妃號至於掖庭秘獄疑似難明而
布未嘗略辨雖以公論為不可廢而以司馬光為
抵毀以蘇轍為訕上雖論新法為不可不變而以
免役為便於凡所改過率皆順從之言紹述之旨
而飾小說以文之借異論以申之既欲取高位於
當年又欲掠美名於後世馴致建中之事蔡京得
以乘間而入貽患邦家而朝廷尚頒其書於史館
號曰正論臣竊惑焉願復宣論史官筆削之際毋
惑其說以致亂真庶一代之典足以垂信後世詔
付史館據此則曾布首竄兩端盜名欺世誠小人
之尤者後儒顧為所惑歟賁外郎唐人已有所外
郎者李玉溪集韓碑詩儀曹外郎可證萬姓通譜

向宗旦河內人

時仲等題名

正書題名二行行四字年月二行行五字並左行左布政司署後圖石上米戲

題名

時仲公調積中同遊

元祐丙寅春初八日題

師節屢遊

正書四字二行左行無年月刻于時仲題名下左字時相類故附錄之

按時仲公調積中及師節題名皆不著姓以元祐

二年張升卿題名證之公謂為升卿之字則時中積中師節皆稱字而非名也通志孫載字積中崑山人潛研堂金石文跋攷中吳紀聞積中神宗時除廣東路常平哲宗時諸路常平官廢通判陝州遷廣東轉運判官通志亦云此刻稱積中者載也登治平進士第好汲引士類晚歲以嘗薦元祐黨人乞祠歸而宋史不為立傳茲得其題名因表出之元祐元年歲在丙寅時公謂為轉運使積中為轉運判官時仲師節侯考

李之紀等題名正書六行題名四人各一行年月二行在池中破石上

李之紀仲明吳荀翼道張升卿公謂蔣之奇穎叔元祐二年三月十六日會于藥洲觀九曜石

按通志時荀任轉運副使升卿轉運使之奇宜興人知廣州軍州事據碧落洞題名之奇四年罷帥惟李之紀無可攷此刻通志未見

連南夫等題名正書七行行七字在池中破石上

紹興九年歲在己未二月初吉藥洲春水新漲小舟初成連南夫鵬舉口正明甫周利見君遇王勳上達龍公邁伯魯載酒同遊

此刻通志未見按通志連南夫紹興七年知廣州軍州事周利見紹興十年轉運判官王勳提舉市舶龍公邁提舉常平皆紹興八年惟口正字明甫

者無可考 粵大記連南夫湖北德安人高宗時累官廣東轉運使後知廣州兵馬鈐轄金人歸河南地南夫質表云虞舜之十二州皆省我有商於之六百里當念爾欺秦檜惡其語罷之 潛研堂金石文跋云直齋書錄解題有連實學奏議二卷實文閣學士安陸連南夫鵬舉撰和議成南夫上表得罪乃鯁直之士也公邁詠之之子所著歷代紀年十卷今猶有傳本又號傳密居士亦見直齋書錄利見官左朝請郎贈金紫光祿大夫即益公必大之世父見渭南文集 繫年要錄紹興六年夏海寇鄭慶寇廣州扶胥鎮為官兵所掩遂絕洋趨南恩州六月甲午詔廣東經略使連南夫疾速措置八月庚戌廣東經略安撫使連南夫言經制盜賊事不可待報者乞許便宜施行 七年八月實文閣學士知廣州連南夫特進一官仍賜詔獎諭以招捕惠賊曾衮之勞也南夫言水陸別無大寇乞收還便宜指揮 九年正月詔金已遣使通和割還故地官司行移文字不得輒加詆斥連南夫上封事言金素行欺侮使果厭兵正當乘其懈而擊之凡千數百言十二年以實文閣學士提舉江州太平觀落職

詹文舉等題名正書八行行六七字在池中破石上

武夷詹文舉毗陵袁太初長樂鄭才仲紹興癸亥李秋孟冬兩乘晦沐還真率高蹤載酒以遊相羊竟日飲闌磨崖聊紀良集

此刻通志未見按通志職官表詹公薦崇安人靖康中提點刑獄紹興十二年提舉常平表復一紹興十二年提舉市舶英德碧落洞題名紹興乙丑年十五毗陵表復一解官船司詹名公薦字文舉索名復一字太初名字義合鄉貫亦同即其人也職官表紹興十二年有轉運副使鄭昉未知即才仲否此題長樂蓋嶺南人也

呂少衡等題名行書左行凡四行前三行行九字末行四字在池中破石上

呂少衡方夷吾南容稿少連會飯藥洲泛舟觀九曜石

紹興壬申二月二十有二日

稿少連等題名正書左行名三行行二字年月二行行四字在池中破石

少連夷吾南容 癸酉清明前二日來

鄔大昕題字此書四行行十一字在池中破石上

長樂靈谿之源楚相潁川之裔烏飛于左春藻其旁

有宋乾道歲在丙戌藥洲之濱携筇放逸曜石星羅鏡之以筆

按是刻不著姓名多作庾語翁氏金石略孫氏訪碑錄定為鄔大昕所書通志職官表鄔大河源人政和時廣州通判又有鄔大昨者紹興間知昌化軍

事又列傳引明戴璟通志稿鄔大昕字東啟河源人政和二年進士任廣州僉判選舉表同據此則職官表作鄔大乃仍翁氏孫氏之誤且誤僉判為通判也以烏飛于左春藻其旁二語合之鄔大昕為是大昨或其昆弟耳

鄔非熊等題名隸書四行行十二字在池中西北石上右之下

鄔非熊宗望管湛之夫步自葛洲煮茶景瀛堂采鞠筠谷掬舟九曜石下摩挲前蹟題刻而去圍熙戊申十月丁卯

按通志宦績錄非熊宜黃人圍熙中進士官至廣東提刑是刻為圍熙十五年正官提刑時也職官表列非熊提點刑獄於圖祐時恐誤管湛字定夫翁氏誤作之天通志因之乃拓本未顯耳以上三刻通志皆未見

張釜題記隸書十行行八字在池東石上

慶元乙卯季冬十有三日同提點刑獄趙希仁山甫轉運判官徐桷志蘇提舉常平劉侯碩翁提舉市舶唐彌公佐泛舟小酌其下惜題識之湮滅悲歲月之系留弔古感今三歎而返經略張釜君量題

按通志職官表張釜紹興五年知廣州趙希仁嘉泰三年轉運判官徐桷慶元元年廣南東路轉運使劉侯紹熙五年提舉常平慶元元年轉運判官